

# *GOMANGKANNA*

 Ke a go leboga, ngwanešu. Ke a go leboga, Ngwanešu Hoekstra.

Mantšboa a mabotse, go Houston. Ka nnete ke tšeа wo go ba monyetla wo mogolo, wa go ba mo gape bošegong bjo ka Houston. Go bile mengwaga ye mentši ge e sa le ke bile le monyetla wa go ba mo. Gomme ke be ke dutše, ke theeditše bošegong bjo go yo mongwe le yo mongwe wa diboledi tše.

<sup>2</sup> Gomme letšatši le lengwe, ge ke bile le dipeakanyo di diretšwe se sengwe gape, lefelo le lengwe, gomme ke tsebile gore bana bale ba be ba lebane le lehu, ke naganne, “Ge se sengwe se ka direga go bana bale, nka se tsoge ka itshwarela nnamong,” ka go se tle fa go fa kgopolو ya ka le go direng tšohle tšeо nka kgonago, go thuša mme yo le tate, le go bana ba, le go dira tšohle nka kgonago bakeng sa go pholosa maphelo a bona.

<sup>3</sup> Gomme Houston e...ke lefelo la segopotšo go nna. E swere megopolو ye mentši ye megolo yeo ke e ratilego ge e sa le la mathomo ke dira ketelo ya ka fa mengwaga ye mentši ya go feta, godimo mo go Herald Of Faith, Ngwanešu Kidson, gomme ka gona tlase mo go otithoriamo ge ke be ke le fa le Ngwanešu Raymond Richey le badiredi ba toropokgolo.

<sup>4</sup> Gomme morago, ka nnete, Mna. Ayers, Mna. Kipperman, bošego bjo khamera e netefaditše goore ke be ke sa bolele e ka ba eng se bego se fošagetše. E be e le Therešo. Gomme ge leihlo la motšhene la khamera le swere pono ya...goba, e sego pono; kgonthе. Kriste yo re mo rerago le go mo rata kudu, o be a ne rena. O tshepišitše go ba le rena, gomme khamera e tšere seswantšho sa Gagwe. Makga a mantši ke boletše, mo dinakong tša go feta, gore—gore ke tla bona Seetša sela nako yohle. Eupša dinako tše dingwe batho ba tla ba go E gononwa, ye o ka dumelago ba ka ba ka tsela yeo, eupša bošegong bjoo e e netefaditše. Leo e bile lekga la mathomo E kilego ya tšewa.

<sup>5</sup> Ge e sa le go tloga nako yeo, E tšerwe makga a mmalwa. Ka Jeremane feelsa kgauswana, go tleng tlase, ge tlotšo e be e le, gomme ge E ile morago gape. Gomme dilo tšeо ga tša swanela go godiša motho tsoko, eupša ke go hlatsela Bogona bja Jesu Kriste magareng ga batho ba Gagwe.

<sup>6</sup> Gomme re a dumela gore Morena Jesu wa go swana o mo bošegong bjo, go re thuša ka tabeng ye. Gomme ke a dumela gore O ne kgahlego kudu ka go yona go feta re ka kgonago ba. Gomme ka kgonthe ke kwelabohloko batswadi ba bana ba, gomme ke legetla ka legetla le monna le mosadi yo mongwe le yo mongwe yoo a lekago go ba lokolla go tšwa mehlagareng ya lehu.

<sup>7</sup> Gomme, bjale, ke a kwešiša gore ye ga se kopano ya tsošeletšo, eupša e no ba se—se tatelano ya dikopano tša thapelo tše di swerwego bakeng sa disoulo tše tseo di robetšego ka meriting ya lehu. Gomme kafao ke thari. Nka se bolele botelele kudu.

<sup>8</sup> Eupša ke tla rata go goga sehlogo, goba kgwekgwe, a ke re, go tšwa go hlogotaba ye ke ratago go e bala ka mafelong a mabedi ka Lengwalong. Gomme lena ba le nago Dibeibele, ge le ka phetla le nna nakwana feela, go Puku ya Bafilipi, tema ya 1, le temana ya 20 ya tema ya 1 ya Bafilipi.

*Go ya ka ditetelo tša ka tša tilhokofalo le kholofelo ya ka, gore ke se be selo ke tla lewago ke hlong, eupša . . . ka sebete sohle, bjalo ka mehleng, kafao gape le Kriste o tla godišwa ka mmeleng wa ka, ge eba e tla ba . . . bophelo, goba . . . lehu.*

<sup>9</sup> Gomme morago ka go, gape, ka go Puku ya Ditiro, tema ya 2 le temana ya 30. Nka no bala ya 25 go kgabola ya 30.

*Ka gore Dafida o boletše mabapi le yena, ka gobane ke bonepele Morena ka mehla pele ga sefahlego sa ka, ka gore o ka seatleng sa ka se setona, gore ke se šuthišwe:*

*Kagona pelo ya ka e ile ya hlalala, le leleme la ka la thakgala; gape kudu nama ya ka e tla robala ka kholofelo:*

*Gobane Nka se tlogele soulo ya ka heleng, ebile Nka se lese Yena Mokgethwa wa gago go bona go bola.*

*Wena o dirile go tsebja go nna tsela ya bophelo; wena o tla ntira ke tlale thaboo ka sefahlego sa gago.*

*Banna le baena, a nke ke boleleleng ka go lokologa go lena ka mopatriaka Dafida, gore bobedi o hwile le go bolokwa, gomme lebitla la gagwe le ne rena go fihla letšatšing le.*

*Ka fao go beng moprofeta, le go tseba gore Modimo o enne ka keno go yena, gore kenywa ya matheka a gagwe, go ya ka nama, o tla tsoša Kriste go dula teroneng ya gagwe;*

*O bone se pele a bolela ka tsogo ya Kriste, gore soulo ya gagwe ga se e tlogelwe ka heleng, ebile le nama ya gagwe ga se e bone go senyega.*

<sup>10</sup> A re inamišeng dihlogo tša rena lebakana feela bakeng sa thapelo.

<sup>11</sup> Tate wa rena wa Legodimong, re leboga Wena bakeng sa kgaogelo. Gomme seo ka therešo, Morena, gobaneng re le mo bošegong bjo, ke go kgopela kgaogelo. Re ka se kgopele se ge re be re se na le tumelo go dumela gore se tla fiwa rena. Banna ba fofole go kgabaganya naga, le dithapelo di ya godimo mogohle,

go Wena, gore maphelo a ba bao re ba kgopelelago ka tlhokofalo bosegong bjo ba ke ba šokelwe. Morena, re tla kgopela maatla go bomme le botate ba batho ba baswa ba.

<sup>12</sup> Gomme ge re kwešiša, gore, lesogana le le retolletše bophelo bja gagwe go Wena gomme le nyaka go hlankela Wena. Gomme bjalo ka ge re kwele yo mongwe wa diboledi a bolela, gore, o be a nyaka go ba modiredi wa Ebangedi, Ke a rapela, Modimo, gore O tla fa sebakabotse se go moisa yo moswa.

<sup>13</sup> Re lebalele dibe tša rena, hlwekiša dipelo tša rena go tšwa dikgopolong tše mpe, le e ka ba eng e tla bago tseleng ya rena yeo e tla šitišago thapelo ya rena go beng go arabja bakeng sa batho ba.

<sup>14</sup> Bjalo ka ge re badile Lentšu la Gago, re a tseba bobedi magodimo le lefase di tla feta eupša Lentšu la Gago le ka se palelwé. Re a rapela gore O tla oketše go rena, ka Moya wo Mokgethwa, kgwekgwe ye e tla tšeago, yeo e tla ba thato Kgethwa ya Gago ka go taba ye bjale, bjalo ka ge re kwele ramolao le ba bantši ba bolela. Gomme re rapela gore re tla hwetša feela se re ka go se dira go latela, kgato ya rena ya go latela ke eng go dira. Morena, re mo go e dira. E dire e tsebjé go rena, Morena, ka Lentšu la Gago. Ka gore re e kgopela Leineng la Morwa wa Gago, Morena Jesu. Amene.

<sup>15</sup> Go baleng ditemana di se kae tše, gomme ke lemoga tiragalo ke ye kgolo, gobane ke tlhobaelo. Ke be ke tla nagana, ge ke kwele le go hwetša thelekramo ya mme yola, “Go ka reng ge yoo e be e le morwa wa ka a dutše mothalong wola, goba morwedi wa ka?” Gomme ke . . . Re nyaka go Bea se sengwe le se sengwe seo re ka kgonago go sona.

<sup>16</sup> Gona ba bangwe ba ka re, “Gabotse, yeo e be e no ba karolo ye nnyane ya Lentšu, yeo o e balago, Ngwanešu Branham.” Gabotse, seo e ka no ba therešo, le sona. Eupša, le a bona, ga se bo-bo bogolo, goba bontši bja mantšu. Ke se e se rago. E—e no ba . . . Se e lego, ke tshepišo ya Modimo.

<sup>17</sup> Gomme ke nyaka go goga go tšwa bosegong bjo, go tšwa go hlogotaba ye bošego bjo, goba hlogotaba go tšwa go ye: *Gomangkanna*.

<sup>18</sup> Ke kgethile sehlogo se, nakwana ya go feta, ke dutše ka kamoreng ya ka ya mothele, ka gore ke nagana gore bjale re nyaka selo se sengwe sa maleba, gomangkanna ye nngwe ye re ka kgonago go swarelela godimo ga yona le go tseba gore ke therešo. Ka go iri ya tšhoganetšo boka ye, re swanetše go ba le se sengwe seo re nago le kgonthe, seo ke nnete, se sengwe seo re ka kgonago go swarelela go sona, go tseba ge eba, taba e ya bjang.

<sup>19</sup> Bjale, go ya ka—ka Webster, *gomangkanna*, ka go yona mong, ke “go hloka magomo ka maatleng,” gomme ka pejana ke “magomo.” Gomme *magomo* ke “amene.” Ke gomangkanna. Bjalo ka se e . . . Bjoo ke bofelo. Seo ke se sengwe le se sengwe.

<sup>20</sup> Bjale, phihlelelo ye nngwe le ye nngwe ye kgolo e kilego ya ba lefaseng, e be e tlemilwe go mohuta wo mongwe wa gomangkanna. O ka se kgone go dira e ka ba eng ntle le ge go na le se sengwe seo o ka kgonago go swarelela go sona.

<sup>21</sup> Ge lesogana le eya go nyalwa ke lekgarebe, o swanetše go tseba semelo sa lekgarebe leo. Goba lekgarebe le swanetše go tseba semelo sa lesogana, se sengwe a ka kgonago go swarelela go sona. “A monna yo e tla ba monna wa moloki? A o tla ntira mohuta wa maleba wa monnamogatša?” “A mosadi yo o tla mpha, ka bophelong, se ke—se ke letetšego go tšwa go yena, bothakga le go ya pele?” Gomme ka gona go swanetše go ba felotsoko mo ba ka kgonago go thea dikenō tša bona—tša bona godimo, go tsebeng gore go ne se sengwe se tla swarelago. Gomme ke ka baka leo re ba tlišago kerekeng, le go Lentšu la Modimo, go dira gomangkanna ye e tlemilwe.

<sup>22</sup> Bjale, Paulo mo, bjalo ka ge re bona, o bile le gomangkanna ye a bego a swareletše go yona, bophelo bjhohle bja gagwe, morago ga tshokologo ya gagwe, e be e le: bophelo botsengwagare go Kriste! Gomme a lefelo la go ba le gomangkanna: bophelo botsengwagare go Kriste! E be e le bophelo bja go fapano go feta bjo a bo phetšego nako ye nngwe, ka gore o rile, “Bophelo bjo bjale ke bo phelago,” bjo bo bego bo le go fapano le bjo a bo phetšego.

<sup>23</sup> Gomme fao go tlide nako ye Paulo a bileyo le boitemogelo bjo bo mo tlišitšego go sephetho se. Ka gore, Paulo e be e le yo mogolo, monna yo maatla magareng ga Bajuda, le momo moithutamodimo yo mogolo, eupša o be a se ne nnete kudu ka boemo bja gagwe. Eupša letšatši le lengwe, tseleng go theogela Damaseko, Seetša, Pilara ya Mollo, e tlide fase go tšwa Legodimong. Gomme Paulo, ka go ba Mojuda, o be a tseba gore Seetša se, Pilara ya Mollo, e bile Selo se se bego se na le, Modimo yo a etelletšego pele batho ba gagwe go tšwa ka Egepeta. Ba latetše Pilara ye ya Mollo. Kafao, go beng Mojuda, o rile go Yena, ka pela, “Morena, Wena o Mang?” O Mo tsebile bjalo ka “Morena,” eupša, “Wena o Mang?”

<sup>24</sup> Gomme Segalontšu se tlide morago go tšwa go Pilara ya Mollo, “Ke nna Jesu, gomme go thata go wena go raga kgahlanong le seotledi.” Go tloga nako yeo go ya pele, Paulo o tsebile gore Jehofa wa Testamente ya Kgale e be e le Jesu wa ye Mpsha. Gomme o be a na le se sengwe seo a bego a ka kgona go se swara, gomme ke ka fao a kgonnego go ngwala Puku ye kgolo yela ya Bahebere.

<sup>25</sup> Bjale, ge o, ge ka bophelong bja gago o na le gomangkanna, o dira dilo tše ka tlwaelo o bego o ka se di dirego, gagolo ge o na le bophelo botsengwagare go Modimo. Bophelo botsengwagare go Modimo bo dira motho go dira dilo tše ka setlwaedi ba bego ba ka se di dire;learogi kudu, moswananoši. Gobaneng bophelo

bja mokriste bo le learogi le moswananoši kudu? Ke ka baka la gore ba lebeletše go Lentšu la Modimo, leo gabotse e lego le šele go lefase lehono.

<sup>26</sup> Bjale, re na le dikereke, gomme re na le mekgatlo, gomme re na le bodumedi, oo, bontši bja bjona, go dikologa lefase.

<sup>27</sup> Ka go makga a ka a šupa tikologong, ge e sa le ke be ke le mo le lena ka Houston, ke kgobokeditše tsebo ye ntši go medimo le mabodumedi a lefase le. Eupša seo ga se se ke bolelago ka sona.

<sup>28</sup> Ke bolela ka gomangkanna, go kgomagana le Kriste. Ka gona, go go dira mo—mo motho wa learogi. O dira dilo tša go aroga. Go nagana ga gago go fapane gohle go feta go nagana o kilego wa go dira, gobane o hweditše se sengwe, gore o kgwapareditše tumelo ka go yo Mongwe yoo a hlotšego magodimo le lefase, gore, lona Lentšu la Gagwe ka Bolona le a hlola, Modimo Yo a boletsego lefase go ba gona, gomme ga go selo se sethata kudu go Yena. Kafao go go dira o hhole, wenamong, gobane o tsea Mantšu a Gagwe. Gomme lentšu ke kgopololo ge e hlagišitšwe.

<sup>29</sup> Bjale, Paulo o ile a tsena ka leemong leo, fao gore o be—o be a se na le boitemogelo bja thutabomodimo, ka moka mmogo, eupša o be a na le hlatsye ya sebele. O be a kopane le Modimo, gomme o tsebile gore o be a biditšwe ke Modimo. Gomme—gomme ga go yo a ilego a swanela go mmotša e ka ba eng ka yona. O be a na le nnete ka go felela gore Modimo o sa no dula e le Modimo. Ge lefase le ka no dira seo!

<sup>30</sup> Gomme ge sehlopha se bošegong bjo, se dutšego fa, se ka no eelwala gore Modimo o sa le Modimo! O no ba a kgona go araba ka go taba ye bjalo ka ge A le ka go taba ya phodišo Kgethwa goba e ka ba eng gape. O sa le Modimo. Gomme ge re ka kgona go aga dikholfelo tša rena, e sego feela dikholfelo tša rena, eupša mo—mo mogopolo wa maleba, godimo ga se A se bolelago! Gomme re a tseba gore Ke Therešo.

<sup>31</sup> Gomme batho ba itshwara go segiša. Ba bonala go no lebala ka lehlakore le le nekethifi ka gore ba hweditše gomangkanna, ka baka la gore ke Lentšu la Modimo. Jesu o rile, “Magodimo le lefase di tla feta, eupša Lentšu la Ka le ka se tsoge la palelwa.” Kafao ge re na le Lentšu la tshepišo, gona ga go na go palelwa go Lona. Le ka se palelwe.

<sup>32</sup> Kafao ke—ke dumela gore seo ke se dikopano tša thapelo fa, ba—ba batho ba bodumedi ba Houston, ba na le kgahlego ka go, maphelo a setho. Gomme seo ke se re se kgobokanetšego mo, ke go—ke go bitsa maatla ao a lego ka godimo ga melao yohle ya madirwakemotho le maatla, se sengwe, Yo a kgonago go fetola dipelo tša batho, boka A dirile Farao ka Egepeta. Gomme ke Yena—Yena ke Modimo. Gomme re swanetše go ema bjale go lebelele ka le—le lehlakore la nekethifi, gomme re ye go lebelela lehlakoreng la phosithifi.

<sup>33</sup> Gomme pele o ka ba le tumelo, o swanetše go ba le se sengwe go ba le tumelo ka go sona. Gomme ke eng bontši o ka tshepago tumelo go sona go feta go ka kgona Lentšu la Modimo yo a phelago, se se hlodilwego, maatla a Ramaatlakamoka? Ke eng bontši re ka beago dikholofelo tša rena ka go sona? Kagona go go dira o bogege go fapana, go itshwara go fapana. O lebeletše Modimo go phethagatša tshepišo ya Gagwe. Gomme ge mathata a tsoga, boka re ne bjale, Ke sekgwaparetši. Ke se sengwe seo—seo se go swerego, se sengwe seo o tlemeletšwego go sona. Ke tshepišo ye re tlemeletšwego go yona, Lentšu la Modimo ke yona.

<sup>34</sup> Go no swana le sekgwaparetši ke gomangkanna go sekepe, ka nako ya ledimo. Sekepe se ka kgona go sesa lewatle. Sekgwaparetši se ntle ka pele. Ke... Se a khutša. Lena batho fa ka Houston, kgauswi kudu le lewatle, le bona dikepe di etla ka gare.

<sup>35</sup> Gomme gobaneng se rwala boima bjo bo feteletšego bja sekgwaparetši se segolo se semaatla se? Eupša, le a bona, ge madimo a etla, ma—ma madimo a go befelwa ao a thosanyago lewatle, gomme a ka kgona go fošetša sekepe ka letšibogong felotsoko, le go se senya, goba go se menolela godimo ga meetse a go se iše; se ya ntle ka go meetse a išago, gomme sa theošetša fase se segolo se, sekgwaparetši se tona, seo se breakantšwe gore se tla gogoba botlase bja lewatle go fihla se kgwaparetša godimo ga thaba tsoko e sa bonwego. Ka gona a nke madimo ale a tšubuttle ge a nyaka; se na le gomangkanna. Sekgwaparetši se swere felotsoko mošola, eupša se—se a swinelela. Gomme ge sekepe le maphotho a hwipinya go dikologa sekepe, se na le gomangkanna, gobane se tlemilwe.

<sup>36</sup> Gomme yeo ke tsela ye motho a lego ge a tlemeletšwe go Kriste le go Lentšu la Gagwe, le go Le dumela. Fao go na le gomangkanna kua, selo se sengwe se se mo swerego.

<sup>37</sup> Gomangkanna e bjalo ka naledi ya leboa ge o lahlegile. Ge o—ge o lobile ditšhupetšo tša gago, gomme o nyaka go hwetša tsela ya gago morago, naledi ya leboa ke gomangkanna. Bjale, go ne dinaledi tše dingwe, eupša di retologa le lefase. Ge lefase le retologa go di dikologa, mo... le retologa go tloga go tšona. Gomme... Le a tseba, naledi ya go swana ya moso ke naledi ya mantšiboa gape, gobane lefase le no retologa go dikologa. Eupša go na le naledi e tee yeo e sa šuthego, gomme e beilwe gare thwi mo bogareng bja lefase. Gomme ka fao... Ke—ke naledi ya nnete. Ge o tseba naledi ya leboa, ka mehla o kgona go hwetša tsela ya gago tikologong. Eupša, oo, ke ge monna a lahlegile, gomme ga a tsebe feela ke tsela efe go ya.

<sup>38</sup> Bjale, ke tseba Naledi. Oo, E feta naledi ya leboa. Gomme go tlemelelwā le go bona Bogona bja Gagwe, ga go kgathale ka fao o timetšego goba moo o lego, o ka kgona go hwetša tsela ya gago morago ka tlhahlo ya Gagwe, leo ke Lentšu la Gagwe. Ke tsela

go tšwa go mathata ohle. Ke tsela go ya khutšong. Ke tsela ya go katlegong. Ke tsela ya go ya Bophelong, ka bobjona, ke go latela Naledi ye, Morena Jesu. Gomme bjale, ge o tlemilwe go Naledi yela, Moya wo Mokgethwa ke Khamphase ye e tla šupago feela go Naledi. Ye Kgethwa . . .

<sup>39</sup> Khamphase, e kgomagane le phoulo yela ya leboa. Gomme tsela e nnoši, ga go kgathale gore o ka lesoding le lentši bjang, goba dithokgwa di tebile gakaakang go dikologa, goba go mouwane gakaakang ka lewatleng, seatla sela sa khamphase, o ka se retollela go tsela efe o nyakago, gomme se tla retologela thwi morago le go šupa go naledi ya leboa.

<sup>40</sup> Gomme ge re le bothateng, gomme re tshepa Kriste, go ne selo se tee sa kgonthe: Moya wo Mokgethwa o tla re šupetša go Lentšu le le tla re hlahlelaggo go ya Naleding ya Leboa, le go lokolla se sengwe le se sengwe re se hlokago. Yena ke Gomangkanna ya rena.

<sup>41</sup> Go monna yo a lahlegilego ka lešokeng, khamphase ke selo se se mo hlahlelaggo go ya ka ntle. Ge re le bothateng, go ne selo se tee feela; se no ba kgonthe bjalo ka naledi ya leboa. Ge feela lefase le eme ka leemong la lona, gomme le retologa go dikologa, naledi ya leboa e tla dula lefelong la yona.

<sup>42</sup> Gomme ge feela go na le Bokagosafelego, Kriste o tla dula a le Mophološi, le tsela go tšwa bothateng bjo bongwe le bjo bongwe, phapano ye nngwe le ye nngwe, teko ye nngwe le ye nngwe, se sengwe le se sengwe. Gomme ka fao re—re, ge re tlemilwe go Yena, ga re hwetše dikgakanegokgolo le go šomega godimo go swana le ka mo lefase le dirago, “Gomme, oo, re tla dira eng ka se? Re tla dira eng ka sela?” Re bonala o ka re ebile ga ra kgwaparetša. Eupša motho yo a kgwapareditšego soulo ya gagwe ka go Kriste Jesu, tshepo ya gagwe fale, a tseba gore ge a kgopela Tate e ka ba eng ka Leina la Gagwe, “Jesu o rile, ‘Ke tla e dira.’” Seo se a e rarolla.

<sup>43</sup> Seo—seo se a e rarolla. Ke amene. Ke gomangkanna. Ke magomo. Ge Jesu a rile, “Kgopelang Tate e ka ba eng Leineng la Ka, Ke tla e fa,” bjale, yeo ke magomo. Yeo ke yona. “Eng kapa eng o e hlokago, ge o rapela, dumela gore o a e amogela, o tla ba le yona.” Seo se a e rarolla. Seo ke sohle sa yona, le a bona, ge ka nnete re kgwapareditšwe gomme re Le dumela, gomme re Mo dirile Gomangkanna ya rena. Ka gore, O a dira. Ke Yena Gomangkanna ye e re tšeago go tšwa go poifo yohle. Ga go poifo ge ka kgonthe o tlemeletšwe go Leswika la Meh leng.

<sup>44</sup> Ga go na poifo go mosesiši, sekepe se kgopša ke maphoto thata bjang, ge feela sekgwaparetši sela se swere ka ntlhoreng ya thaba mošola. Gobaneng, kgonthe. O a tseba sekepe se ya go dula godimo. Ga se ye kgahlanong le leswika tsoko felotsoko. Ga se ye go ya meetse a go se iše gomme sa menoga, gobane se ne gomangkanna e kgwapareditše ka godimo ga thaba tsoko.

<sup>45</sup> Gomme ge motho a kgona go rapela thapelo ya tumelo, le go kgwaparetša soulo ya gagwe mošola ka go Lentšu la Modimo, moo, “magodimo ohle le lefase di tla feta, eupša Lentšu lela le ka se kgone,” ga go na poifo. Ba lese ba tle, ba bolele e ka ba eng ba nyakago. Tumelo ya rena e go Modimo, Modimo a nnoši. Re a e dumela.

<sup>46</sup> Go bile le nako yeo ge mekgwa ya tafola ya setšhaba se e theilwe godimo ga lentšu la mosadi. Ke a dumela leina la gagwe le be le bitšwa Emily Post. Bjale, o be a le gomangkanna go mekgwa ya tafola. Ge Emily Post a rile, “Tšeang gomme le je dinawa tša lena ka thipa ya lena,” yeo e be e le yona. Mmm. Yeo e be e le yona, ka gore o be a le gomangkanna go mekgwa ya tafola. Ge a ka re, “Nwa kofi ya gago ka piring ya gago, gomme o e gamole ge o dirile,” ga go kgathale e kwagala go tšwafiša bjang, e be e sa le gomangkanna. Yo mongwe le yo mongwe o inametše go yona ka gore ba mo tšere go ba gomangkanna ya mekgwa ya tafola.

<sup>47</sup> Re swanetše go ba le gomangkanna ga go kgathale se re se dirago. Ge re ka tsoge ra fihlelēla e ka ba eng, re swanetše go ba le gomangkanna.

<sup>48</sup> Go bile nako ge lentšu la Hitler le be le le gomangkanna ka Jeremanie. Ga go kgathale se e ka ba mang gape a se boletšego, lentšu la Hitler le be le le gomangkanna. Ge a rile, “Ba a hwa,” ba a hwa. Ge a rile, “Ba a phela,” ba a phela. Gomme ge a rile, “Re ya ntweng,” goba, “Ga re ye ntweng,” e ka ba eng re e dirago, lentšu la gagwe le be le le gomangkanna.

<sup>49</sup> Go bile nako yeo ge Italia e bile le gomangkanna. Leo e be e le lentšu la mmušanoši wa bona, Mussolini, se a rilego dira. Ba rile mootledi wa gagwe o otletše godimo, motsotso wo motee ka pela, go mo tšea. O mo thuntše. Gobaneng? O rile, “Ga ke go nyake fa motsotso wo motee ka pela. Ke go nyaka fa go mothalo, nako tlwa.” Le a bona? Lentšu la gagwe e be e le gomangkanna. Yohle Italia e inamile go lona.

<sup>50</sup> Fao go bile nako ge Farao, ka Egepetā, e be e le gomangkanna. Eupša le a bona . . .

<sup>51</sup> Eupša diphetho tšohle tše ba di dirilego e be e le sephetho sa madirwakemotho, gomme bohle ba wele. Gobaneng? Gobane ba be ba se ye go ya ka setho . . . E be e se go ya ka Lentšu la Modimo bakeng sa bophelo bja motho. Ke nyaka seo, ke a holofela, go kgwaparetša. Ge re letela go phološa bophelo bja motho, re swanetše go tla ka gare go ya ka Lentšu la Modimo le polane ya Modimo bakeng sa bophelo bja motho. Gomme tsela e nnoši o yago go hwetša se, ke go se hwetša ka go Lentšu la Gagwe, le go se dumela, bjale.

<sup>52</sup> Kafao, bona boFarao. Ke be ke le ka Egepetā e se kgale kudu, gomme ke nagana ba ile ba swanelā go epa dikgato tše

masomepedi tlase ka mobung, go hwetša le—le lefelo moo Farao a bego a dutše bjalo ka kgoši ya lefase.

<sup>53</sup> Le boHerode ba bagolo, le go ya pele, go feta go theoga mothalo, re bona moo mebušo ya bona e welego gomme e ile pele.

<sup>54</sup> Eupša go na le Mmušo o tee woo o lego ka godimo ga mebušo yohle. O godimo kudu ka magodimong go fihla o sa tsoge wa feta. Gomme Fale go dutše Kgoši, yeo, ge A dira sephetho sa Gagwe go e ka ba eng, gomme re dumela sephetho sela, seo ke gomangkanna. Go ya go ba ka tsela yeo go sa kgathale se e ka ba mang gape a se bolelago ka yona. Ka mehla go bjalo.

<sup>55</sup> Bjale, Kgorotsheko ya Godimo ya rena. Kgorotsheko ya Godimo ya rena, ke—ke gomangkanna, bofelo bja ditsheko tšohle. Bjale, re swanetše go ba le yona. Nako ye nngwe re ka no se dumelane le sephetho sa yona. Go swana le, ga se ba ke ba dumelana le ya Hitler, le go ya pele. Eupša go le bjalo re swanetše go ba le gomangkanna ye. Gomme gomangkanna ya setšhaba le ditsheko ke Kgorotsheko ya Godimo. Dikgorotsheko tša rena tša selegae di ka sekiša e ka ba eng le go kwalakwatša se, eupša Kgorotsheko ya Godimo e laola godimo ga yona yohle. Re swanetše go ba le yona. Bjalo ka setšhaba, re swanetše go ba le sephetho sa yona, gobane setšhaba se tlemeletšwe go gomangkanna ye ya Kgorotsheko ya Godimo. Go lokile.

Se sengwe le se sengwe se swanetše go ba le gomangkanna.

<sup>56</sup> A le be le tseba gore papadi ya kgwele ya go tlwaelega e swanetše go ba le gomangkanna? Ya. Gomangkanna ya papadi ya kgwele ke eng? Malokwane. Go ka reng ge fao go se malokwane, le a bona, malokwane? Ga go kgathale mo o emego, ke maemo afe o lebelelago gomme wa re, “E be e le polo,” gomme o rile, “E be e le go ratha,” gabotse, seo ke se e bego e le sona, e be e le go ratha. Gobaneng? Ka gobane, lentšu la gagwe, ga go kgathale se bathuši ba se boletšego, se yo mongwe gape a se boletšego. Ke moratho ka gobane o e biditše moratho, gomme yena ke malokwane. Bjale, go ka reng ge go be go se malokwane? Go tla ba le dikgogakgogano tše bjalo, le se sengwe le se sengwe sa ba mpilobilo, go fihla o sa kgone go ba le papadi ya kgwele. Ka fao, o swanetše go ba le gomangkanna, go ba le papadi ya kgwele. E swanetše go ba ka tsela yeo.

<sup>57</sup> Bjale, fao go swanetše go ba gomangkanna, ka go roboto. Roboto ke gomangkanna, ke ra gore, go sephethepheth. Go ka reng ge fao go be go se roboto? Goba go ka reng ge roboto e senyegile, gomme o kitima go theoga mmila? Gomme moisa yo motee o be a etla ka tsela *ye*, gomme o rile, “Bjale, ke bile mo pele. Ke swanetše go kgabola kua.” Gomme o rile, “Ke thari bakeng sa mošomo.” Bolela ka go pitlagana ga sephethepheth, ka kgontha le tla ba le yona. Eupša, le a bona, roboto e a rarolla. Ke gomangkanna. Ge lebone e le le letalamorogo, eya. Ge le le le

lehubedu, ema. Ge eba go se selo bjalo ka ro—ro roboto, gona re tla ba le go pitlagana ga sephethephethe.

<sup>58</sup> Gomme seo ke se e lego bothata ka go tumelo ya Bokriste lehono. Re na le go pitlagana mo gontši ga sephethephethe, yo mongwe le yo mongwe ba dira gomangkanna ya bona beng.

<sup>59</sup> Mola, re na le Gomangkanna e tee, gomme yeo ke Lentšu la Modimo yo a phelago. Seo se a e rarolla neng le neng, ga go kgathale se yo mongwe gape a se bolelago.

<sup>60</sup> Go nyakile go ba lefelong boka go bile matšatšing a Baahlodi, yo mongwe le yo mongwe o na le gomangkanna ya bona beng. Eupša yohle e a šitwa, boka boFarao le go ya pele.

<sup>61</sup> Eupša gomangkanna ya Modimo ke Lentšu la Gagwe. O a Le fa, “Gomme magodimo le lefase di tla feta, eupša Le ka se tsoge la feta.” Ke rata seo.

<sup>62</sup> Bjale, ga re na le nako ye ntši, ka fao re no lebelela dinakwana di se kae go batho ba ba sego nene bao ba tlilego ka tlalelong, le dinako moo lehu le bego le batametše, boka re eme bosegong bjo, gomme ba tšere gomangkanna. A re botšišeng ba bangwe ba bona.

<sup>63</sup> A re yeng morago go kanegelo ya kgale yeo e tlwaelanego le rena bohole, mo matšatšing ge sebe se pakelane ka lefaseng go fihla Modimo a belekega le go lapa ka sona, gomme lefase le be le eya go senywa. Gomme Modimo o file Noage gomangkanna, leo e be e le Lentšu la Gagwe. Gomme, ga go kgathale, gomangkanna yela e be e le ya go pholosa batho. Noage o tsebile gore lefase le be le eya go hwa. Gomme Modimo o mo file gomangkanna, gomme leo e be e le Lentšu la Gagwe, bjale, go pholosa batho ba Gagwe go tšwa lehung. Bjale, gomangkanna e be e le eng, go pholosa batho go tšwa lehung ka nakong ya Noage? E be e le Lentšu la Modimo. Yeo e be e le gomangkanna, go sa kgathale gore yo mongwe gape o boletše eng.

<sup>64</sup> Se saense e se boletšego, “Ga go ne pula godimo kua. Re ka kgona go thunya ngwedi ka didirišwa tša rena. Ga go na pula fale. Pula e ya go tla bjang fase?” Ge Modimo a boletše gore go tla ba le pula ye e nago, Modimo a ka bea pula lefaufaung, ge A boletše bjalo.

<sup>65</sup> Noage o ile thwi ka kgwebo ya gagwe, a thekga ditho, gomme a lokiša areka go pholosa batho. Ka gore, go bile gomangkanna ye e filwego batho, gore ba tla pholoswa ge ba tšere tsela ye e filwego ke Modimo bakeng sa gomangkanna ye.

<sup>66</sup> Kafao, morago, dinako tše dingwe, ge re amogetše gomangkanna...Ke tla rata go bolela se ka lebaka la batswadi ba bana ba, sa se ke nyakago go le botša feela mo nakwaneng. Bjale, ge...

<sup>67</sup> Dinako tše dingwe, ge re e amogetše, re bewa tekong, go bona ge eba ka kgonthe re a Le dumela. Re—re . . . Modimo ka mehla o dira seo. Gomme Modimo o šoma . . .

<sup>68</sup> A ka se kgone go fetola lenaneo la Gagwe, gobane Lentšu la Gagwe ke Yenamong. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama le go dula magareng ga rena. Wa go swana maabane, lehono, le go ya go ile.” Kafao, ka mehla ke Modimo.

<sup>69</sup> Ge A biditšwe godimo ga lefelongtiragalo, go dira, le sephetho se A se dirago, O swanetše go dula le sephetho seo ka mehla. A ka se kgone go se fetola, gobane Yena ke mohlokamagomo.

<sup>70</sup> Bjale, nka kgona go fetola sephetho sa ka, le ka kgona, gobane re ne magomo. Kagona, re dira diphošo.

<sup>71</sup> Eupša Modimo a ka se kgone go fetola sephetho sa Gagwe, gobane Yena ke mohlokamagomo, gomme sephetho sa Gagwe—sa Gagwe se phethagetše, ka mehla. A ka se kgone go re, “Ke be ke le phošo *mo*, gomme Ke tla fetola sephetho sa Ka,” gobane seo se tla laetša Modimo o tla kgona go fetoga. Gomme Modimo a ka se kgone go fetoga, le Lentšu la Gagwe le ka se kgone go fetoga. O a swana, ka mehla.

<sup>72</sup> Kafao, Modimo o file Noage teko, morago ga go amogela gomangkanna ya Gagwe. Noage o ile ka arekeng. Modimo o tswaletše mojako ka morago ga gagwe. Ga go pelaelo ba rile, “Bjale, mo mosong, go tla ba maru a maso. Gomme go tla ba modumo le legadima, gomme dipula di tla wa.” Eupša, le a tseba, letšatši la go latela, letšatši le tla godimo feela go phadima ka mo le kilego la dira.

<sup>73</sup> Ke a eleletša, badumedi ba mollwaneng ba rile, “Re tla ya godimo. Mokgalabje a ka be a bile nnete mabapi le seo. Kafao, mohlomongwe saense e be e le phošo, gore go—go ka kgona go ba pula godimo kua.” Eupša, elelwang, e be e se ya ke ya tsoge ya na.

<sup>74</sup> Eupša, ka gona, letšatši la bobedi, letšatši le be le nno kganya bjalo ka ge le bile ka mehla; la boraro, la bone, la bohlano, la boselela, le go fihla le letšatši la bošupa. Eupša Noage o nametše godimo ka kamoreng ya godingwana, gore a kgone go šetša mafaufau. Gomme mosong wola wa bošupa, ge go etla nako, ge batho ba ganne tsela ya Modimo ya go felela ya phološo, ya go phološa maphele a batho, dipula tša thoma go na gomme dikelelatšila tša tlala. Gomme se—se sekepe sa thoma go rotoga, gomme sa tše Noage le bona go ya polokegong. Nnete, ka gore ba be ba tshepa ka go Lentšu la Modimo, gomangkanna, Lentšu la Modimo la tshepišo.

<sup>75</sup> Ga go tshwenye ka fao go bego go bonala go befa ka gona, le ka fao go swiswalago ka gona, go le bjalo dumela gomangkanna ya gago.

<sup>76</sup> Moshe, gobaneng, wa gagwe, o be a lekile go phološa bophelo bja Bahebere bale ba go šokiša. Gomme ba be ba nyakile go befa, goba feela go ba gampe, bjalo ka bana ba babedi ba bao re lekago go ba phološa bošegong bjo. Ba be ba le makgoba, gomme ba ba bolaile feela ka setšwagodimo, e ka ba neng ba nyakilego. Gomme Moshe o ikwtše ka pelong ya gagwe gore yeo e be e setha—tha thato ya Modimo. Kafao, o—o lekile go e dira ka thuto. O lekile go e dira ka matsapa a gagwe mong, gomme o hweditše gore o šitilwe gabohloko. O dirile se sengwe yenamong seo se bego se se sa loka, gobane o tšere bophelo bja monna yo mongwe. Gomme seo se be se se sa loka.

<sup>77</sup> Ka gona, o ile a ya ka lešokeng gomme o be a le fao lebaka la mengwaga ye masomenne. Eupša, letšatši le lengwe, o be a dišitše dinku ka lehlakoreng la morago la leganata, gomme go be go le Seetša ka sethokgweng. Gomme ge Moshe a fihlile kgauswi le Seetša se, Lentšu la Modimo le boletše go yena go tšwa go Pilara ye ya Mollo e robetše morago ka sethokgweng se, gomme la re, “Moshe. Moshe.”

Gomme o rile, “Ke nna yo, Morena.”

<sup>78</sup> Gomme O rile, “Rola dieta tša gago, gobane mobu wo o emego go wona ke wo mokgethwa. Ke kwele dikolomelo tša batho ba Ka. Ke kwele kopano ya bona ya thapelo. Ke eletšwe gore Ke ba diretše tshepišo.” Nna, ge seo se sa swanelo go gotetša dipelo tša badumedi ba Bakriste bošegong bjo! “Ke nna Modimo. Ke elelwa Ke e tshepišitše.” Ka fao Segalontšu sela sa Lengwalo se bilego! Gomme O rile, “Moshe, Ke go roma tlase kua go ba lokolla.” Gomme Moshe . . .

<sup>79</sup> Nnete, bjalo ka ge ke boletše mathomong, ge o tšea gomangkanna yela ya Modimo, e go dira gore o dire dilo tše, gabotse, dinako tše dingwe go nyefola, mo pele ga batho. A le ka eleletša, monna yo a bego a tšhabile go tšwa go Baegepeta, mosong wo o latelago, morago ga go bona gomangkanna ye . . .

<sup>80</sup> Lentšu le la Modimo le boletše go yena hlatse ya maleba, gobane e be e le Lentšu. Tshepišo e be e le fao, le bohlatse bja Modimo yo mogolo wa tlholo, ka fao A dirilego mohlolo ka go—ka go bogona bja Moshe, le go laetša gore O be a le Modimo wa tlholo.

<sup>81</sup> Gomme Moshe, mosong wo o latelago, o tšere mosadimogatša wa gagwe gomme a mmea godimo ga mmoula, le—le segotlane lethekeng la gagwe. Gomme masomeseswai a mengwaga ka bokgale, maledu a lekeletše go fihla lethekeng la gagwe, hlogo ya gagwe ya lefatla e phadima, ka lepara la go kgopama ka seatleng sa gagwe, a eya tlase go leba Egepeta, a goelela kudu ka fao a bego a kgonia go ya.

“O ya kae, Moshe?”

“Ke ya tlase ka Egepeta, go tšea taolo.”

“Tsea taolo?”

<sup>82</sup> Tlhaselo ya monna o tee! Gobaneng? O bile le gomangkanna. O bile le se sengwe. O be a ne Lentšu la Modimo, o be a kgona go ema godimo. Monna wa mengwaga ye masomeseswai bokgale, le mmoula, le lepara ka seatleng sa gagwe. Seo ke sohle a bilego le sona. Boka tlhaselo ya motho o tee go Russia, lehono. Eupša o ile tlase le go thopa, gobane o be a ne gomangkanna. O boletše le Modimo. O be a kwele Segalontšu sa Modimo. Gomme o... Selo sa yona e bile, o se dirile. Nnete. Gobaneng? Seo se be se na le yena matšatši ohle a bophelo bja gagwe. E be e le gomangkanna.

<sup>83</sup> Ga go motho a nago le tokelo go namela ka phuluphithing, go rera Ebangedi, ntle le ge yenamong a sepetsé go mašabašaba ale a makgethwa, moo go sego modumedi a ka tsogego a kgona go hlatholla go tloša sa kagodimogatlhago sa Modimo. Jesu ga se a dumelela barutiwa ba Gagwe go rera, ga go kgathale ba Mo tsebile gabotse bjang; ba swanetše go ya toropongkgolo ya Jerusalema, kua ba lete go fihla ba hlamišwa ka Maatla go tšwa Godimo. Ba swanetše go ba le boitemogelo bjoo.

<sup>84</sup> Moshe, ka go tseba gore o be a le moprofeta, o tsebile gore o godišeditšwe morero wo, eupša ntle le kgomano yela ya sebele, Gomangkanna yela, se sengwe seo se netefaditšego go yena gore ge a ile tlase kua, o be a eya go ba le tokologo bakeng sa batho ba. O be a se sa swana. O ile tlase kua ka gore o be a na le gomangkanna, gomme o dirile feela tlwa se Modimo a mmoditšego go se dira. Go be go se poifo ka pelong ya gagwe, ge a lahletše disephente fase, goba mapara, gomme a fetogile sephente. Gomme baekiši ba nama ba tlile godimo ka mohuta wa bona wa bodiredi, le go lahlela fase le go dira selo sa go swana. Moshe o be a dirile feela tlwa se Modimo a mmoditšego go se dira. Ga go na selo go yena go dira eupša go ema tse le go bona letago la Modimo. Ka gona re hwetša gore Modimo o tšere sephente ya gagwe le go ja tšohle tša tšona. Ke tsela ye e dirwago. O be a na le kgonthe gore Modimo yoo a kgonnego go mmotša go dira se, a ka kgona go mo hlokomela ka go seemo se sebe.

<sup>85</sup> A re ka se kgone bošegong bjo, godimo ga motheo wa lesogana lela go neela pelo ya gagwe go Kriste, go ema godimo ga gomangkanna ye, gore Modimo a kgone go dira disekgonege go kgonega? A ka kgona go fetola dipelo tša baahlodi. Gobaneng re taboga ka tlalelo, ka dilo tše dingwe? A re tšeeng Modimo, pele. E tliše morago go tshepišo. Modimo o e tshepišitše, gore—gore O tla e dira.

<sup>86</sup> Kafao, elelwang, Moshe ka mehla o be a le motho wa go fapano gobane o tšere Lentšu la Modimo gomme o Le dumetše. Gomme o bile le tshepišo e hlatsetšwego go yena.

Ke ba bakae re ka go ba bitša? Ga re ne nako.

<sup>87</sup> Go ngwaleng noute, lehono, ke be ke ngwala mo ka Daniele, kafao e bego e le. Se e bilego, e bile kotlo ya lehu go yena

go—go rapela modimo yo mongwe le yo mongwe. Eupša o be a kgokagane le Modimo, gomme o tsebile gore Modimo o be a kgona go mo hlokomela.

<sup>88</sup> Bana ba Bahebere, ba tla lahlelwa ka leubeng la mollo gomme ba tla tshungwa ka phišo, makga a šupa fišifiši go feta ka mo leuba le kilego la fišwa. Bana bale ba Bahebere ba dumetše Modimo. Ba rile, “Modimo wa rena o kgona go re lokolla go tšwa leubeng le.” Ka baka la eng? Ba be ba na le gomangkanna. Ba be ba na le Lentšu la Modimo.

<sup>89</sup> Gomme Modimo yo a kgonnego go lokolla bona bana ba Bahebere go tšwa go sele ya lehu ya leuba la mollo, ke bontši gakaakang A ka tlišago mošemane yo monnyane yo wa Mojuda ntle fa, yoo a robetšego mošola ka go sele ya lehu? Ke bontši gakaakang A lego... Gomme O sa le Jehofa Modimo wa go swana yoo ka mehla A bilego. Rena, boka moapostola Paulo, re kgona go lemoga gore Modimo wa go swana o a phela lehono, “Maabane, lehono, le go ya go ile go swana.” Gona, Bakriste ba ka kgona go swarelela go seatla sa Modimo sa go se fetoge, le go fetola seemo ka moka. Thapelo e fetola dilo. Seo ke se re nyakago go se dira.

<sup>90</sup> Re ka bolela bjang ka Joshua? O ya go tshela bjang Jorodane? Go bonala o ka re Modimo e be e le monna wa sešole sa go tlabia, thwi mo kgweding ya Aporele, ge meetse a be a le godimo ka mokgwa woo. Eupša O rile go Joshua, “Tšea areka gomme o ye pele.” Seo ke sohle a ilego a swanela go se dira. Gomme Modimo o bušeditše Jorodane morego le go dira mabala a go oma, gomme ba sepetsé go kgabaganya gomme ba phološwa. E be e le bjang!

<sup>91</sup> Ga go makatše Joshua o rile, “Nna le ntlo ya ka, re tla direla Morena.”

<sup>92</sup> Ka fao Dafida, mopatriaka yo mogolo yola, ka fao re ratago go bolela ka yena. Ga re na le nako. Eupša, gomme makga a mantši... Bjalo ka ge re kwele yo mongwe a bolela dinakwana di se kae tša go feta ka ga Dafida le sebe sa gagwe, eupša mola sohle sa sona se lebaletšwe. Ge a be a eya ntweng, gomme re e bitša, ka lefaseng, “Ditshetla di be di le tlase,” gomme kganetšo e be e le ye kgolo. Gomme Dafida o be a robetše kua ka tlase ga mohlare, gomme a fufulelwa, go fihla a ekwa modumo o eya go kgabola dikgwa tša mourupe, nako yeo go be go fapania. Dafida o tsogile gomme a ya pele, ka gore o be a na le gomangkanna, gore o tsebile gore e be e le Modimo a eya pele ga gagwe.

<sup>93</sup> A re ka se rapele thapelo ya tumelo ye e tla romelago Modimo godimo go poto yela ya parola tlase kua? Nnete, re ka kgona. Re a dumela gore re ka kgona, ge re ka swarelela go gomangkanna yela.

<sup>94</sup> “Ka fao Abraham a biditšego dilo, tše di bego di se gona, mo o ka rego di be di le gona,” ka gore o be a na le tshepišo ya go felela go tšwa go Modimo, ye Modimo a bego a eya go mo fa ya gagwe... a mo fa ngwana ka Sarah. Gomme ge a be

a le bogolo bja mengwaga ye lekgolo, goba o be a le, gomme o be a le masomesenyane, "Go le bjalo ga se a thetherega go tshepišo ya Modimo ka gosedumele, eupša o be a tiile, a efa tumišo go Modimo." Gomme re tteleima go ba bana ba Abraham. Ge Abraham...

<sup>95</sup> Ge, re bile le Beibele e ngwadilwe go tloga matšatšing a Abraham, le dihlatsé tšohle tšeō re bilego le tšona morago, gore Jehofa o boloka Lentšu la Gagwe, gore Kriste ke Morwa wa Modimo. Yena ke Mmoelanyi gare ga motho le Modimo, gomme ga go mmoelanyi yo mongwe ntle le Yena. Gomme go tshepiša, "Ge le kgopela Tate e ka ba eng ka Leina la Ka, se tla fiwa." Gomme re tteleima go ba bana ba Abraham. Ge, "Abraham o biditše dilo, tšeō di bego di le gona, mo o ka rego di be di se gona, gobane o dumetše Modimo." Ka go felela. Ke e dumela ka pelo ya ka yohle.

Bophelo bja Paulo botsengwagare ga Kriste e be e le gomangkanna ya gagwe. E mo tlemile.

<sup>96</sup> Kriste o be a le gomangkanna ya tsogo, ge re bala mo. O rile, "Modimo o enne ka keno, go Dafida, gore A ka se tlogele soulo ya Gagwe heleng." Keno ke bofelo bja phapano yohle. "Gomme O enne gore A ka se tlogele soulo ya Gagwe heleng, eupša o tla Mo tsoša." Gomme kagona O tshepile Modimo, gomme a bapolwa; a hwa, a tsoga gape, gomme a rotogela ka Legodimong, gobane O dumetše Modimo.

<sup>97</sup> Ke bontši gakaakang go feta, ge A beile mohlala, re ka tšeā gomangkanna! Ge Kriste a kgonne go e tšeā, godimo ga tshepišo e tee yela kua, re ka kgona go e tšeā bontši gakaakang, ka ditshepišo tše dikete! Gomme ka Madi a Jesu Kriste fale go hlwekiša tsela ya rena, le go re tliša go kgabaganya legaga le legolo lela la sebe leo le re arogantšego, ka go se dumele, go tšwa go Modimo, le go re tliša thwi ka Bogoneng bja Gagwe, go bolela le Yena, go kaakang bontši go ka bago! Ee. Re swanetše go ba le gomangkanna.

<sup>98</sup> Ke nagana ka yo motee thwi bjale, ge re tswalela, e tla ba George Washington, ge Amerika e be e le ye mpsha gomme re be re lwela bophelo, bophelo bja setšhaba se segolo se seo re nago naso. George Washington o be a le Mokriste. O be a le modumedi. Gomme tlase ka Valley Forge, ke a botšwa gore masole a Amerika ba bile feela le, e ka ba tee tharong ya bona, ba rwele dieta. Gomme marega a be a tonya, le boso bja lefeela, gomme noka e gatsetše le go phophoma. Gomme Mabritish ka lehlakoreng le lengwe. Gomme bophelo bja setšhaba se sennyane se bo be bo batametše.

<sup>99</sup> O dirile eng? O be a le Mokriste. O ile ntle ka nako ya bošego gomme o kwatame fase ka go lehlwa, le go rapela go fihla a kolobile ka meetse a lehlwa godimo go dikologa letheka la gagwe. Gomme o dutše fale le go rapela go fihla a hweditše

gomangkanna, karabo go tšwa go Modimo, gore Modimo o be a eya go mo fa phenyo.

<sup>100</sup> Gomme letšatši la go latela, Valley Forge e be a se selo go yena. O putlile Delaware, o kgoromeditše go putla aese ka mašole a aperego seripa, ba gatsetse seripa, maoto a bona a go se rwale mo lebaleng, ka lehlweng. Gomme o e tšere, ge dikolo tša raborolo tše tharo di ile go kgabola jase ya gagwe. Gobaneng? O be a tshepetše go gomangkanna ya thapelo ye e arabilwego. Amene. Wona mabokamorago a setšhaba sa rena a theilwe godimo ga selo se sebjalo.

<sup>101</sup> Bothata ke eng ka batho lehono ba ba tteleimago go ba Bakriste? Gobaneng re tshwenyega ka iri boka ye? A nke re se tshwenyeye. A re beng mašole. Ee, mohlomphegi.

<sup>102</sup> O rapetše go fihla a hwetša karabo yeo. Morago, ga go noka e tletšego maru, ga go mašole a go se rwale selo maotong, go sa kgathale seemo, ba be ba kgonia go e tšea gobane Modimo o be a boletše bjalo. Kolo ebile ga se e kgone go mmolaya, go tšwa go raborolo ya lenaba. Nnete. Gobaneng? O be a bile le kopano ya thapelo. O hweditše karabo.

<sup>103</sup> Go be go lokile bjang bošego bjo bongwe, ge Moapostola Petro a be a le ka kgolegong, gomme ba be ba eya go mmolaya mosong wo o latelago. O be a eya go hwa ka tlase ga kotlo ya lehu, bjalo ka ge Mojuda yo monnyane yo a eya go dira bjale. Eupša ba dirile eng? Ba dirile selo sa go swana seo rena fa ka Houston re lekago go se dira. Ba dirile kopano ya thapelo ntlong ya Johane Mareka. Ge ba be ba rapela, Morongwa wa Morena o ile kgolegong, gomme a bula ditshipi tša kgolego, gomme a bula dikgoro. Gomme ka godimo ga fao, a iša Petro ntle, le go tla thwi fase kopanong ya thapelo.

<sup>104</sup> Ke a dumela, bošegong bjo, gore Modimo yola wa go swana o a phela. Ge A se Modimo wa go swana, gona go ne se sengwe sa phošo. Ka kgonthe.

<sup>105</sup> E dirilwe eng? Ka kopano ya thapelo, ke Bakriste ba go botega bao ba dumetšego, le go dumela gore Modimo o tla lokolla ngwanabobona go tšwa go kotlo ya lehu. Bona e be e le Bakriste ba ba dutšego bošego bjhohle gomme ba robetše godimo ga difahlego tša bona, gomme ba goelela ntle le go rapela.

<sup>106</sup> Bjalo ka ge ke kwele yo mongwe wa badiredi, lebakana la go feta, a re o be a eya go llela ntle, bošego bjhohle botelele. Bothata bja ntshe ke, lehono, batho ba a nyamišwa. Ba a lapa, ba otsela. Ebile ga ba kgone go dula go kgabola tirelo ya metsotsotso ye lesome, le gannyanne. Gabotse, ke—ke se sengwe sa phošo.

<sup>107</sup> Ge o rata Modimo, gabotse, gabotse, re swanetše go ba matasatasasa. E swanetše go ba dikholofelo tša rena—tša rena, ditlhologelo tša rena. Go swanetše go ba. Se sengwe le se sengwe seo se lego ka go rena se swanetše go ba ka go lerato la Kriste. Amene. Re dutše go tšwafa kudu. Re dula go se amege bjalo, ge

lefase le ehwa ka tlase ga maoto a ren. Yeo ke nnete. Maphelo a banna a sepela, ntle le Modimo, gomme re dutše go se iše felo ka yona kudu—kudu. Ge feela re le ba kereke, seo ke sohle re naganago se dira phapano.

<sup>108</sup> Ke be ke bolela ka go Tla ga Kriste, dibeke di se kae tša go feta, ka kerekeng ye e itšego. Gomme ka morago ga fao go bile yo mongwe a kopana le nna ka morago ga kereke, gomme o rile, “Ngwanešu Branham, o tšhoša batho go iša lehung.”

Ke rile, “Gobaneng ke dira seo?”

<sup>109</sup> O rile, “Gabotse, wena go boleleng ka go Tla ga Kriste. Ga ke nyake go kwa dilo tše bjalo ka tše. Ke na le mošemane yo monnyane mo ke swanetše go mo godiša. Ke na le mosetsana ka sekolong.”

<sup>110</sup> “Oo,” ke rile, “go Tla ga Kriste ke selo sa letago kudu nka naganago ka sona.” Kgonthe. Le a bona?

<sup>111</sup> Beibele e rile, “Bohle bao ba *ratago* go bonagala ga Gagwe.” Oo, nna, go letšatši leo ge motho yo wa kgale wa go hwa a tšeа go se hwe, gomme ngwako wo—wo wa dilomi woo ke phelago ka go wona o tla fetolwa, mo nakwaneng, ka panya ya leihlo, le mmele boka mmele wa Gagwe Mong wa letago! E swanetše go ba tlhologelo ya pelo ya Kereke. E swanetše go ba monna le mosadi yo mongwe le yo mongwe, mo mollong, a rere mekgotheng le mogohle gape, go leka go dira disoulo di phološwe. Ka kgonthe.

<sup>112</sup> Ke a makala ge eba ka kgonthe re tlemeletše go gomangkanna yela ye re tleleimago go yona. A re lebeletše naledi ya moso ya nnete? Ge re no tshepela ka kerekeng ya ren a le kerekeleina ya ren, boingwadišo bja ren; ge lefase le fetoga, e fetoga le leo, go dikologa le go dikologa.

<sup>113</sup> Eupša go ne Naledi e tee yeo e sa nkego ya fetoga. Go ne selo se setee seo se ka se tsogego sa fetoga, yoo ke Modimo. Modimo a ka se kgone go fetoga. Lentšu la Gagwe le ka se kgone go fetoga. Beibele ya Gagwe e ka se kgone go fetoga. Gomme ge motho a tswetšwe ka Moya wa Modimo, le Kriste ka go yena, go feleletša tshepišo ye nngwe le ye nngwe ka “amene.” Yeo ke nnete. Ka kgonthe.

<sup>114</sup> Oo, nnete, kopano ya thapelo ke ye re e hlokago. Re swanetše go ba Bakriste. Bohle Bakriste ba swanetše go šomiša gomangkanna ye e swanago, Lentšu la Modimo. Lentšu la Modimo ke go dula ga Bokriste.

<sup>115</sup> Jesu o rile, ka go Lentšu la Gagwe, “Ge le dula ka go Nna, Mantšu a Ka a dula ka go lena, gona le ka kgopela se le se ratago, gomme le tla se direlwa.” Naganang ka yona. Ke bontši gakaakang ka ga gomangkanna o ka go nyakago? Ke eng o ka go e tshepa kudu go phala se sengwe boka yeo? “Ge le dula ka go Nna, Mantšu a Ka a dula ka go lena, gona kgopelang se le se ratago.”

<sup>116</sup> Go kgopela Modimo go šoma godimo ga pelo ya moahlodi yoo, goba poto yela ya parola, le go ntšha moisa yola yo monnyane go tšwa go sele yela ya lehu! Ge re e kgopela ka tumelo, re dumela, ka go dikopano tše tša thapelo, re tla e hwetša. Gore, ke no dumela Modimo ka mokgwa wola.

<sup>117</sup> Gomme tumelo ya ka ye ke nago le yona ka go Modimo, ke ka baka leo ke lego mo bošegong bjo. Ke ka lebaka leo ke khansetšego se sengwe gape, gomme ke tlie fa. Ke swanetše go otlela dimaele tše makgolo bošegong bjo, morago Tucson, Arizona, ka gore ke tla go Bea tumelo ya ka le ya lena. Yola ke motho. Ke soulo e robetše mošola. Ke yo mongwe a hlokago. Gomme rena Bakriste re swanetše go tsoga go ya kgonthe, go tumelo ya kgonthe ya mmapale. E tleme go Lentšu la Modimo, gomme o kgopele tshepišo yeo. Ee, mohlomphegi. Oo, nna! “Ge le dula ka go Nna, gomme Lentšu la Ka ka go lena, kgopelang se le se nyakago.”

<sup>118</sup> Gomme gape, “Ge batho ba ba bitšwago ka Leina la Ka ba tla kgobokana ka bobona mmogo le go rapela, gona Ke tla kwa go tšwa Legodimong.” Kopano ya thapelo, yeo ke yona.

<sup>119</sup> Ke dumela go go boleleng le baemedi le go boleleng le boramolao, goba baahlodi, goba poto ya parola, goba e ka ba eng gape. Seo se lokile. Eupša, ngwanešu, ge kholofelo ya gago e se ya tlemelelwa go se sengwe go feta feela banna ba senama ba monagano, goba, monagano wa banna, ke tla re, ka mnete o tla nyama ka manyami.

<sup>120</sup> Eupša ge o ka kgona go tlema tumelo ya gago ka lefelong le le bjalo leo o le tsebago, gomme wa dula fao gomme wa rapela go fihla Modimo a araba morago, gomme o a tseba o na le yona ka pelong ya gago, se sengwe se ya go direga.

<sup>121</sup> Ke bone buhu ba tsošwa go tšwa legaeng la poloko. Ke bone ma—ma mahlo a sefou a ponyologa, ditsebe tša sefoa di thibollwa. Ke bone ditaba tša bahleselwa ka kankere, ka kankere ya thišu, lephera, le fodišitše ke maatla a Ramaatlakamoka Modimo. Ka gore, ba bile le tumelo go dumela gore Modimo yola, Yo a dirilego tshepišo, o tla kgona go boloka tshepišo ya Gagwe. Yeo ke ya kgonthe, tumelo ya mmapale boka Abraham a bile.

<sup>122</sup> Tlemelela go fale. Dula fale gomme o rapele. E sego go no ya fase, gomme, “Modimo, lokolla moisa yo monnyane wa go šokiša gomme o mo romele gae.” Bohle re rata seo. Eupša a re duleng fale go fihlela se sengwe se direga. Oo! Ge se sengwe se diregile, gona, tiišetšo yela e ka wa magareng ga batho ba bannyane ba ba go tlala seatla ba dutšego ka go otithoriamo ye fa bošegong bjo, a ka wa magareng ga rena thwi fa, tumelo le maatla a Modimo a lekanego, ge re ka kgona go rapela go kgabola, go fihla re ratha mothalo wola wa gae, go fihla gomangkanna yela e etla fase, yona Pilara yela ya Mollo ya go swana yeo e tšerwego fa ka Houston, ke khamera ya Ted Kipperman, mengwaga ye lesomepedi ya go

feta. O mo bosegong bjo, feela bogolo bjalo ka ge A bile nako yela, go lokolla mošemane yola, ge re ka no e dumela, gobane O a swana maabane, lehono, le go ya go ile. Ke e dumela ka pelo ya ka yohle. Ke ka lebaka leo ke lego fa go neela thapelo ya ka le lena bohole gore Modimo o tla boloka bophelo bja bona.

<sup>123</sup> Gona ge o ka kgona go rapela go kgabola, go fihla o hwetša karabo morago, o hwetša netefatšo morago, boka Washington a bile, boka Johane Mareka a bile, boka Daniele a bile, boka Moshe a bile, go fihla o ne gomangkanna, se sengwe seo o tsebago gore o ka kgona go kgwaparetša go sona, gona, “Godimo ga gomangkanna ye Ke tla aga Kereke ya Ka,” gomme dikgorotsheko tšohle ka nageng di ka kgone go ganetša Yeo. Yeo ke nnete. Godimo ga Yeo!

<sup>124</sup> Yena Modimo yoo a kgonnego go tsea Mojuda yo monnyane wa nko ya huku boka Paulo, a befetšwe le go ya tlase fale go bea Bakriste bohole lehung ka tlase ga kotlo ya lehu, gomme a kgona go mo fetola le go mo dira Mokriste wa go ratega, Modimo yola wa go swana o a phela bosegong bjo, a ka fetolela molao go mogau, nako efe kapa efe yeo A tšeago kelelo go e dira. Haleluya! O ya go mpiša mopshikologimokgethwa, go le bjalo, kafao bokaone nka thome ka go yona gonabjale. Ke dumela Modimo yola. Amene. Ee, mohlomphegi.

<sup>125</sup> Gona Mareka 11:22, ge le rapetše go kgabola. O rile, “Ruri, ruri, Ke re go lena, ebang le tumelo ka go Modimo. Ke re go lena, ge le ka re go thaba ye, ‘Suthišwa.’” Ge gomangkanna yela e tlile go wena, ge o tloditšwe ka Moya wola wo o tlago bokagodimo ga taolo yohle ya saense ntle mošola, pele go ka ba le athomo goba molekule, wo Motee wola o boletšego se sengwe le se sengwe go beng gona, gomme ge soulo ya gago e kgwapareditše go woo, ga go selo se ka kgonago go e thibela. Yeo ke nnete. “E re go thaba ye, ‘Suthišwa,’ gomme o se belaele ka pelong ya gago, eupša wa dumela gore se o se boletšego se tla direga, o ka kgona go ba le se o se boletšego.” Ge yeo e se gomangkanna go swarelala go yona! Nnete, ke yona. Yeo ke therešo, gomangkanna.

<sup>126</sup> Bjale, setšhaba se na le gomangkanna. Bophelo bja gago bja legae bo na le gomangkanna. Mo gohle, ge bo ka tsoge bja fihlelala eng kapa eng, bo swanetše go ba le gomangkanna.

<sup>127</sup> Re leboga moemedi yo. Re a leboga, oo, banne ba bangwe bohole. Morapeledi yo mokaone yo mo go tšwa California, gomme a molaetsa wa bothakga! Gomme—gomme ngwana wa borena yo a lekilego go tsea tšelete le se sengwe le se sengwe, go leka go thuša mosadi yo wa mohloki, le—le bana ba gagwe, go ba lokolla. Seo sohle se lokile. Re leboga seo, gomme ke a se thekga.

<sup>128</sup> Eupša go ne selo se tee ka godimo ga seo, bagwera, ge re tswalela kopano ye bosegong bjo: Re swanetše go e tlemelela go gomangkanna, kopano ya thapelo pele ga Modimo, yeo e tla romelago tokologo go tšwa go Jehofa Modimo wa go swana. O

no ba bontši Modimo bošegong bjo bjalo ka ge A bile nako yela. Haleluya! A le a e dumela?

<sup>129</sup> A re emeng ka maoto a rena, gona, gomme bošegong bjo re dira kopano ya thapelo ka mo, go fihla gomangkanna e direga. Phagamišetša diatla tša rena godimo pele ga Modimo. Rapela go fihla o ratha legae, go fihla gomangkanna e wela ka pelong ya gago.

<sup>130</sup> Morena Modimo, romela Moya wo Mokgethwa wa Gago fase, gomme romela le go lokolla bana bale ka kua, Morena. Ba dutše ka dikgaong tša meriti ya lehu. Se sengwe se lokela go direga, Morena, gomme re a rapela gore dikopano tše tša thapelo di tla gotetša Mollo. Ke dumela Wena, Morena. Ke a e amogela, gomme ke a dumela gore O tla lokolla bana bao. E fe, Ramaatlakamoka Modimo. Rena, Kereke ya Gago, re a e kgopela, ka Jesu Kriste. Amene.



*GOMANGKANNA* NST63-0304  
(A Absolute)

Molaetša wo ka Ngwanešu William Marrion Branham, setlogong o abilwe ka Seisimane ka Mošupologo mantšiboa, Matšhe 4, 1963, ka City Auditorium ka Houston, Texas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho photolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)